

शून्नि॒रमि॒मीत॒ मन॑सः पुरु॒षं च॒क्षुषो॑ऽश्च प्रा॒णाद्वा॒ऽश्रोत्रा॑द्विं वा॒चो॑ऽजं तद्य॒दे-  
 नान्प्रा॒णोभ्यो॑ऽधि नि॒रमि॒मीत॒ तस्मा॑दाहुः प्रा॒णाः प॒शव॑ इति॒ मनो॑ वै प्रा॒णानां॑  
 प्रथ॑मं तद्यन्म॒नसः॑ पुरु॒षं नि॒रमि॒मीत॒ तस्मा॑दाहुः पुरु॒षः प्रथ॑मः प॒शूनां॑ वी॒र्यव॑त्तम  
 इति॒ मनो॑ वै स॒र्वे प्रा॒णा मन॑सि हि स॒र्वे प्रा॒णाः प्र॒तिष्ठि॑तास्तद्यन्म॒नसः॑ पुरु॒षं  
 नि॒रमि॒मीत॒ तस्मा॑दाहुः पुरु॒षः स॒र्वे प॒शव॑ इति॒ पुरु॒षस्य॑ क्ये॒वैते॒ स॒र्वे भ॒वन्ति॑  
 ॥ ६ ॥ तदे॒तद॒न्नं॑ सृ॒ष्ट्वा । पु॒रस्ता॑त्प्रत्य॒गात्म॑न्नधत्त तस्मा॒द्यः कश्चा॑न्नं॒ सृज॑ते पु॒र-  
 स्तादे॒वैन॑त्प्रत्य॒गात्म॑न्धत्ते तद्वा॒ऽउ॒खाया॑मु॒दरं॑ वा॒ऽउ॒खोद॑रे तद॒न्नं द॑धाति ॥ ७ ॥  
 अथै॒षु हिर॑ण्यशक॒लान्प्र॑त्यस्यति । प्रा॒णो वै हिर॑ण्यमथ वा॒ऽएते॒भ्यः प॒शुभ्यः॑ सं-  
 ज्ञप्य॒माने॒भ्य ए॒व प्रा॒णा उ॒त्क्राम॑न्ति तद्य॒द्विर॑ण्यशक॒लान्प्र॑त्यस्यति प्रा॒णाने॒वैधे॒तद॑-  
 धाति ॥ ८ ॥ सप्त॑ प्रत्यस्यति । सप्त॑ वै शी॒र्षन्प्रा॒णास्ता॑नस्मिन्ने॒तद॑धात्यथ यदि प॒ञ्च  
 प॒शवः॑ स्युः प॒ञ्चैव॑ कृ॒त्वः सप्त॑-सप्त॑ प्रत्यस्येत्प॒ञ्च वा॒ऽएता॑न्यशू॒नुप॑दधाति सप्त॑-सप्त॑  
 वा॒ऽएकै॑कस्मिन्प॒शौ प्रा॒णास्त॑देषु स॒र्वेषु॑ प्रा॒णान्द॑धाति ॥ ९ ॥ तद्वैके॑ऽपि । यद्ये॒कः  
 प॒शुर्भव॑ति प॒ञ्चैव॑ कृ॒त्वः सप्त॑-सप्त॑ प्रत्यस्यन्ति प॒ञ्च वा॒ऽएता॑न्यशू॒नुप॑दधाति सप्त॑-  
 सप्त॑ वा॒ऽएकै॑कस्मिन्प॒शौ प्रा॒णास्त॑देषु स॒र्वेषु॑ प्रा॒णान्द॑ध्म इति न त॒था कुर्या॑दे॒-  
 तस्मि॒न्वै प॒शौ स॒र्वेषां॑ प॒शूना॑ऽद्वयं तद्य॒देत॑स्मिन्प्रत्यस्यति तदे॒वैषु॑ स॒र्वेषु॑ प्रा॒-  
 णान्द॑धाति ॥ १० ॥ मुखे॑ प्रथमं प्रत्यस्यति । सम्य॒कस्र॑वन्ति स॒रितो॑ न धे॒ना इत्य॑न्नं  
 वै धे॒नास्त॑दिदं॒ सम्य॑ङ्मुखमभिस॒ञ्चव॑त्यन्तर्हृ॒दा मन॑सा पू॒यमा॑ना इत्यन्त॒र्वै हृ॒द-  
 येन॑ मन॒सा स॒तान्नं॑ पू॒तं य ऋ॒जुस्त॑स्य धृ॒तस्य॑ धा॒रा अ॒भिचा॑कशीमीति या ए॒वैत॑-  
 स्मिन्न॒ग्रावा॑हु॒तीर्ही॑ष्यन्भवति ता ए॒तदा॑हु हिर॑ण्ययो वे॒तसो॑ म॒ध्येऽअ॒ग्नेरि॑ति य  
 ए॒वैष॑ हिर॑ण्यमयः पुरु॒षस्त॑मे॒तदा॑हु ॥ ११ ॥ ऋ॒चे वे॒तीह॑ । प्रा॒णो वा॒ऽऋ॒कप्रा॑णेन  
 क्य॒र्चति॑ रु॒चे वे॒तीह॑ प्रा॒णो वै रु॒कप्रा॑णेन हि रो॒चते॑ऽथो प्रा॒णाय॑ ह्रीदं॒ सर्व॑ऽ  
 रो॒चते॑ भा॒से वे॒तीह॑ ज्यो॒तिषे॑ वे॒तीह॑ भा॒स्वती॑ ह्री॒मे ज्यो॒तिष्म॑ती च॒क्षुषो॑ऽअ॒भू-